

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ**

ՈՐՈՇՈՒՄ N 71/28

ք.Երևան

14 սեպտեմբերի 2023թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ վարչական իրավախախտման գործի վերաբերյալ 20.12.2022թ.-ի թիվ 464097/05, 20.03.2023թ.-ի թիվ 605263/05 և 20.04.2023թ.-ի թիվ 607418/05 որոշումների դեմ «ԵՐԵՎԱՆԻ Հ. 201 ՀԻՄՆԱԿԱՆ ԴՊՐՈՑ» ՊՈԱԿ-ի (ՀՎՀՀ՝ 00804179) տնօրեն Մարիամ Շոլիսյանի դիմում-բողոքը՝

ՊԱՐԶԵՑ

«ԵՐԵՎԱՆԻ Հ. 201 ՀԻՄՆԱԿԱՆ ԴՊՐՈՑ» ՊՈԱԿ-ի տնօրեն Մարիամ Շոլիսյանի (այսուհետ նաև՝ բողոքաբեր) կողմից Հանձնաժողով է ներկայացվել դիմում-բողոք ՀՀ ՊԵԿ վարչական իրավախախտման գործի վերաբերյալ 20.12.2022թ.-ի թիվ 464097/05, 20.03.2023թ.-ի թիվ 605263/05 և 20.04.2023թ.-ի թիվ 607418/05 որոշումների (այսուհետ նաև՝ Որոշումներ) դեմ:

ՀՀ հարկային օրենսգրքի 441-րդ հոդվածի 4-րդ մասի համաձայն՝ հարկային մարմնի ընդունած և ուժի մեջ մտած անհատական իրավական ակտը կարող է բողոքարկվել այն ուժի մեջ մտնելու օրվանից, իսկ հարկային ծառայողի գործողությունները կամ անգործությունը՝ այն կատարելու կամ ցուցաբերելու օրվանից երկու ամսվա ընթացքում:

ՀՀ հարկային օրենսգրքի 440-րդ հոդվածի 4-րդ մասի համաձայն՝ հարկային մարմնի պաշտոնատար անձանց այն գործողությունների բողոքարկումը, որոնք կապված են վարչական պատասխանատվության կիրառման հետ, կատարվում է վարչական իրավախախտումների մասին Հայաստանի Հանրապետության օրենսդրությանը համապատասխան:

Վարչական իրավախախտումների վերաբերյալ ՀՀ օրենսգրքի 288-րդ հոդվածի համաձայն՝ վարչական իրավախախտման վերաբերյալ գործի որոշման դեմ գանգատ կարող է տրվել որոշումը նույն օրենսգրքի 283-րդ հոդվածով սահմանված կարգով հանձնելու (հանձնված համարվելու) օրվանից հետո՝ երեսուն օրվա ընթացքում:

Քննարկվող դեպքում բողոքաբերի կողմից բաց է թողնվել Որոշումները բողոքարկելու ՀՀ օրենսդրությամբ նախատեսված ժամկետը: Մասնավորապես, ՀՀ ՊԵԿ վարչական իրավախախտման գործի վերաբերյալ 20.12.2022թ.-ի թիվ 464097/05 որոշումը բողոքաբերի (ՊՈԱԿ-ի) էլեկտրոնային փոստի հասցեին ուղարկվել է 25.02.2023թ.-ին, 20.03.2023թ.-ի թիվ

605263/05 որոշումը՝ ուղարկվել է 21.04.2023թ.-ին, 20.04.2023թ.-ի թիվ 607418/05 որոշումը՝ ուղարկվել է 03.05.2023թ.-ին: Սակայն Որոշումների դեմ դիմում-բողոքը բերվել է 05.09.2023թ.-ին՝ սահմանված ժամկետի խախտմամբ:

Հաշվի առնելով այն հանգամանքը, որ Որոշումների դեմ դիմում-բողոքը բերվել է Վարչական իրավախախտումների վերաբերյալ ՀՀ օրենսգրքի 288-րդ հոդվածով նախատեսված ժամկետի խախտմամբ, ուստի ղեկավարվելով ՀՀ հարկային օրենսգրքի 442-րդ հոդվածի 2-րդ մասի դրույթներով դիմում-բողոքի քննարկման վարույթը ենթակա է կարճման:

Ելնելով քննարկման արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հանձնաժողովը

ՈՐՈՇՈՒՄ Է՝

ՀՀ ՊԵԿ վարչական իրավախախտման գործի վերաբերյալ 20.12.2022թ.-ի թիվ 464097/05, 20.03.2023թ.-ի թիվ 605263/05 և 20.04.2023թ.-ի թիվ 607418/05 որոշումների դեմ «ԵՐԵՎԱՆԻ Հ. 201 ՀԻՄՆԱԿԱՆ ԴՊՐՈՑ» ՊՈԱԿ տնօրեն Մարիամ Շուինյանի դիմում-բողոքի քննարկման վարույթը կարճել:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

ՀԱՆՁՆԱԺՈՂՈՎԻ ՆԱԽԱԳԱՀ՝

9/15/2023

X 

ԿԱՐԵՆ ԹԱՄԱԶՅԱՆ

Signed by: TAMAZYAN KAREN 2612840184

ԿԱՐԵՆ ԹԱՄԱԶՅԱՆ